

呂全五新齋二集



序

余兒童時以先宮保之執友

侍顧端文公函丈長而從高

忠憲諸公游本仁祖義懷文

抱質道誼之風熏人肺腑上



下五十年陵谷變遷諸君子
人貌榮名已迢然千古之上
矣而梁谿爲吳中騶魯流風
餘韻久而弗替頃從月潭太
史得見全五先生薪齋二集

篝燈誦讀低回屏營不能自
已全五之詩文名人魁士論
列者備矣其大旨以謂上窺
結繩下窮掌故沈宋不備于
典冊燕許未窮于比興地負

海涵兼工婉美盛矣哉文府
之總持苑苑之篤論也余竊
以爲全五之文固有本焉吾
嘗評文于梁谿矣端文之文
以氣而曷其理其文如江之
出峽河之到海奔放雄決而
不可禦忠憲以理而持其氣
其文如川之韞玉水之含珠
渟泓光潔而不可窺全五生
於其後服習其規矩含咀其

精氣落實而取材啣華而佩
實又增益之以左史之菁華
三唐之麗藻花間艸堂之豔
異牢籠諸有無不冶鎔而其
除煩去濫本性命而根理道
固未嘗躍冶而出也譬之黃
河之水顧高其發源也其濫
觴也全五則其吞汭內漢回
復萬里也或原也或委也先
河後海則一而已矣全五以

薪齋名其集莊生不云乎指
窮于爲薪火傳也不知其盡
也自有天地已來聲明文字
新新不窮皆管薪也皆前火
也以此薪計彼薪則有盡以
管火傳後火則無盡夫安知
夫顧高之爲彼薪而全五之
爲此薪乎又安知夫全五之
非昔火而後全五而興者不
又有後火乎全五之有取於

薪也其用意固已遠矣今之
薦擗全五者徒取其攢花簇
葉悅心眩目者臚傳而枚舉
之以爲薪齋之文盡在此矣
又安知世之望洋向若驚而
相告者不又爲全五之彼薪
乎全五之火傳久矣而世猶
竊竊然指其容光觀其隙日
豈非日月出矣而燭火不息
者乎通乎薪齋之說者可以

參天人可以知性命斯固顧
高諸公之所齋心而求端拜
而語者也豈獨以翰墨詞賦
爲能事乎余老且耄矣學文
學道兩無所得讀薪齋之文
而竊取火傳之義僭爲發明
其梗槩以諭於太史并爲讀
薪齋集者告焉歲在己亥季
春十日虞山蒙叟錢謙益再
拜謹序



呂全五薪齋二集卷之一

詩

柴桑吟贈張顧存先生

閒庭睡鶴歌

瞿鏢吟贈占恒伯八十

米元章犢鼻洗硯

新篁

擬織女贈牽牛歌

郝隆七日晒腹中書



全五二集
思尊鱸

爲王中翰周臣尊慈孫孺人初度

贈虞來初先生

倚閭篇爲孫武經尊慈壽

樂羊篇爲楊聖西門兄之配王孺人壽

悲任昉

道南吟賦奚君翼武八十

與丁隱君

王烟客年伯初度屬余詩画二紙爲壽余不能

画乃詩以歸之

銅雀臺

過西施洞

三首

芒種村居閒步

寒食同重其心甫吉生劇談滕子行齋頭及介

之推故事步韻

輓黃雲孫所聘侍兒姍姍之逝

苦旱

宿樂清嶺店驛夜不成寐病賦遂初便有解組

之志

秋日偕季遠心甫摘甫路然聽蒼雪師講華嚴

疏鈔得圓字根字

二首

輓門人過櫟生應其兄蓮生之請

與陳孟民居士兼呈本符師

和王職方崇巖中橋小隱詩

三首

和吳江葉素旃雲窩詩

送黃叅戎會葬祖父母父母

為吳念誠年伯壽

過浣紗江

遠興

問茶

辨茶

田父食蛇

安州旅次

宿印叅僧舍與語

蒼牛

送在澗叔之普陀

秋山小方

鸚鵡步韻

贈高碧梧道者

遣封姨 二首

羨魚

蠶婦

秋日離情行

春日觀釣者

白露

濠梁吟

書子建釋愁文後

秋草行

買花行

次黃漢臣放生詩原韻 十首

浪遊

和高民儔宜休居詩

咏桂

讀淮陰侯傳

南湖

月夜遊摩竭菴見齊修師歸舫

過隱石僧山房

和朱望子秋夜艤舟江上之作 二首

過村庄

與邃如僧品茶步韻

濁酒

為錢礎日兩尊人慶兼贈礎日

黃蜂諳蝴蝶

蝶笑黃蜂

山居

遇雨

繅繭

賦得青蓮喻法微

流螢

說易

聽社燕語茶不報燕子西遷

秋夕同以謙野望

訪石門無名氏僧有答問者 十首

鳥啄紅梅 二首

偶成

自箴

慰歎

高碧梧與言福地之奇兼述道妙喜而記之

青山

為張公調之母劉太君慶

訓張醫士克占

画馬

讀劔南記

應教乞食

浣衣

卷之二

詩

咏蘭

送歸燕

初叅

讀淮西碑懷裴晉公

送堯羽兄之燕

姜龍池副總戎固辭督銜詩嘉其志

送賀仁宇督兵之閩

送蕭五雲州守

訓姚醫士秀芝

之任東甌道中作

唁膠水楊青丘世兄爲楊用賓座師喪子之戚

憶浦瞻霞師

周母蔣孺人初度應其胤邇彝兄之索

祝高民儔之母薛孺人

宿鏡湖戲殘月

蛙聲二章章六句

又蛙聲三章章六句

家慈迎養官舍聞誕蓮兒口授誌喜

張封翁夫人壽言

寡女吟附顧修遠貞烈傳後

見桂懷友

贈鄭雷天儀賓

山家卽事步韻

高南旃以白鷺詩見遺時誠之家伯兄已和六章矣亦如所和和之

爲徐魯詹尊慈悅辰稱慶

爲影娥妓理愁

思摩伽陀

戲題桐花布

讀安南記

附陳本符師署門詩後

聽蛙

華仲通被繫得釋書此候之

代李衛公疏西嶽語

懷所思

越女

咏梅

鷺鷥

白薔薇

風月

吊嚴與陽先生

顧隱君草堂吟

高彙旃學憲居母喪庭中春蘭忽現白花一叢
根瓣皆白見者云此李安人生西之應又爲
純孝所感奇而賦之

紀廷振每歲一週過江相訪寒齋對酌與言近
狀

贈陳處士

唁臨安過學博

閨思

下弦月

子不語怪題

薛偉楚允尊慈鄒孺人壽

嘲相士

吊馬文忠素修老師

兼弔如師母二人

秋日卧聽松雨聲

芙蓉

與海虞朱長庚言命

玉蘭

來燕遇歸鴻

催牡丹花

泛荷

螢火

文心

苦雨

二首

讀漢武七夕故事

懷玄墓元長上人不遇

感興

說戒

思琴

再和王職方崇巖中橋小隱詩

三首

讀漢元帝賜單于美人詔

陳雪沅少府視篆屬邑士民皆留鳥誌思詩紀

其盛 十首

野望

官怨

勉徵公侄

京邸思麴水

江上丈人

漫興

偶愁

未遇

謀臣

棘門軍

赴施曠如先生放生之招途遇弋者

感南唐陳子喬入視事堂自經故事

弔華銓部鳳超先生

海上巡行有感

訓顧醫士懷虛

中秋天妃宮望月

遙和鄭三山京邸初度詩

觀優

讀李義山莫姪女寄寄文傷吾幼女

蘭花

旅懷

送孚魚叔之薊州

過湖上趙封翁觀墀天閒草堂卽景

壽滕母王孺人兼贈子行

爲尤太醫之母袁孺人初度

贈何隱君驥江歸年已六十

遊惠山寺過二泉亭汲飲

過碧山吟社遺址

清明後四日社飲胡慎三侍御齋頭爲聖木彥

昌諸君催詩頗迫

代花請霽

壽湖上浦隱君之配沈孺人

陸銓部衷溼元配吳恭人爲予敬社兄之母壽

者如林予不揣亦爲之殿

與張隱君

與程處士霽寰爲金孝充袁重其諸公之索

和吳中諸子爲蔣南陔夫人陳母悅辰
孫銘常六十工画蘭乃尊海若亦以八十善飯
詩慶之

賦得長沙弔屈爲悲高忠憲公

悲窮

朱蓋銘以詩藁見示予謬叨一日之長率爾丹

黃書此謝之

思藐姑射山

贈秦太學公安

目錄終

卷之二

敘

重刻百警篇序

洛陽蔣孝子思親錄序

送雲間沈宗林之任揚州學正序

劉氏家乘序

陶遷之隨筆記序

秦儼塵生壙志後序

金處士學道序

顧黃公南渡集序

段公贊政錄序

陳雪沅少府南蘭名牘序

彭鴻叟拂蓮堂詩序

唐涵生花茵選勝次卷序

張可先燕回詩序

元長禪宗兄始創鈔高峰序

郭汾又寓茗詩序

自纂溫處景行錄序

鄭太和山房著書序

錢希聲先生思親咏序

金沙于賓之文稿序

蕭木公雁山孤遊詩序

陰行小史序

遜國臣事鈔序

蓮華經註解序

廣佈消災九幽懺法序

卷之四

記

心月禪師募建普同塔碑記

小方記

文乘記

供奉仙佛記

訪泉亭記

燕都過吳玄亮齋頭見供石六種畫記

傳

周處士完赤君暨配華孺人合葬傳

高民儔元配吳孺人傳

引

金剛經證果小引

秦馭甫辛壬近篇小引

懷芳社小引

爲吾母秦太恭人乞言引

讚

周郎讚

清芬先生像讚

慎齋讚

陳處士讚

悟空僧禪影讚

周太醫小像讚

丁處士讚

家洪暘堪輿讚

邃如僧讚

高翔九畫像讚

泰山松讚

珍珠蘭讚

家敬疇初度讚

家起敬元配裴孺人初度讚

丁隱君讚

脫塵僧鑄鍋讚

跋

顧懷虛先集跋

劉孝標世說跋

唐荆川文集跋

書梅花詩後跋

卷之五

論

讀法鄉飲酒論

水利論

屯賦論

耕藉論

射禮論

田獵論

救日論

道法論

右文論

禮理論

庶徵論

禮本論

農功論

從善論

年壽論

全五二集
心論

跌坐論

鬼祟論

雜藝論

人文論

詩論

未信論

爲善論

存身論

慎交論

皈禪論

避臘論

達觀論

螻蟻論

物感論

物制論

卷之六

紀

全五二集
紀書齋壁

史漢雜紀

晉人雜紀

紀詩集後

紀與沈濟公語

紀與金元素語

啟箋

請李寶弓鹽臺遊江心寺啟

啟李生石僉堂

致括蒼守道錢六謙年兄

與某屬令書

與鄭太和學博

送秦公安懺資

復紀孝廉求序

謝晏子升

答張隱君

致陳水遠世兄

與沈別駕

致岳舜牧叅憲

與吳中軍萬里

與一如僧

送張瑞澤門兄

送林平坡

致于雍來門兄

謝李別駕

與秦吉生年兄二簋約

與張玉氣

答汪扶風

與徐魯詹

謝陳隱君

邀伯仲爲家慈壽

誨蓮頤兒

箴

慎思箴

因應箴

賦

蒲城王芬之之母郭氏孀貞賦

文

自歎文

自慰文

自省文

自善文

疏

募修張睢陽廟文疏

募修斗山吉祥寺疏

辨

寒食辨

黃昏鷄啼辨

偈

千手觀音偈

薪齋偈

卷之七

說

既濟說

歸臍說

肝腎說

盪漱說

養生說一

養生說二

慎病說

忘病說

藏淵說

服丹說

理氣說

作息說

好色說

三加說

三寶說

工節說

謀事說

和緩說

親天說

善世說

無憂說

帥從說

知止說

長花說

專志說

絕技說

讀書說

讀史說

象先說

編書說

臨摹說

畫法說

書畫說

著述癖說

書札說

孔顏說

酒劫說

色劫說

卷之八

說

勤苦說

慎漸說

樽節說

任人說

馭下說

深居說

慎言說

養目說

戒色說

善藏說

言利說

粥廠說

戒怒說

胥人說

修煉說

五戒說

夢說

放生說

揮扇說

經書正業說

以下二十六條皆為時文說法

時文結構說

第一義說

三多說

文法說

主氣說

脉理說

修辭說

追琢說

偏鋒說

機巧說

緩急說

刻入說

服古說

自審說

自然說

無定說

能化說

各成說

大體說

小題說

題外說

助辭說

求售說

自課說

應制說

惠歸韻

自歸韻

朱書韻

薪齋二集卷之一


黃家舒漢臣評

錫山呂陽全五著

兄自咸誠之閱

詩韻依洪武惟和韻從沈約

柴桑吟贈張顧存先生



柴桑下里十清詩。詩似空山月滿池。焦螟物色來何意。蟬蛻衣冠信所之。援枹裹革英雄淚。羽扇綸巾大雅姿。輕肥敢博巢由笑。冷儉惟當綺季知。首菴齋中。

有兩鹿携入牂牁牝馬伏三苗見之不敢藏金莠玉
桂還空谷培塿富貴如等閒口吐珠璣先禍福姚宋
廟堂無點塵李郭治兵皆虛靈妖星夜落湖山淨仰
瞰雷門天氣清閒居吟遂初賦麟毫兔簡舒遙情夢
入藤陰占太古饑如野鶴聽虛笙遑恤夫七日之不
火今君侯將遺我一杯羹

顧存諱懋謙浙之錢塘人初爲牂牁學博兩鹿自
隨繼任潯陽尹民有十清之頌三任粵西觀察卽
告休家食不遇吟咏自適漢臣云叙次曲折皆
以窈澹深秀之筆行之是造仙家五城十二樓手

閒庭睡鶴歌

山人何所事懸瓢復棄瓢空庭惟積少孤雀自逍遙
不飲貪泉水不啄腐鴟膂山高霜寒松亦苦誰翔百
尺鳴虛嶠伐毛洗髓然其身隋宮衛室相遮邀春禽
迷瘴海秋雁落巉嶢欲息垂天翼徒傷步斗遙支公
招我入山去一飲一啄含香蕭得免鷄羣亦已矣金
刀鍛羽還脩脩莊生謂我神雖王不如林莽一鷄鷄
吁嗟榮慘已如此寓言十九多浮囂偃仰空堦氣喘
寂茹新吐故藏三焦何必莊周是蝴蝶焉知白鶴非
王喬夢中展翅遊東海耕獲神砂與石椒還丹使縞

全五二集
衣飄萬里孤征千歲月先秦魏晉等終朝

誠之云奇翼八表何如一息空庭可悟良背不獲身之旨篇法琅然清圓幾於琴心三疊舞胎仙也

瞿鑠吟贈占恒伯八十
諱易

吾聞奕叟幻又聞詩伯顛飲酒意非酒談禪不事禪
四者皆賢達衰宗誰與傳唯我占恒伯於斯無間然
天貽鑠子骨八十如嬰年何以名之彖與象象先之
意流雲烟何以字之升與恒恒爻反覆義無邊大孝
辭車馬中和被管絃虛已占千變空懷破百堅扁盧
在門門不入知君六腑自能言丹房生少少不除知

君水火自燒煎猶復縱橫莊老易出經入子聲便便
髮鬚神霄一仙吏兒孫僕妾皆藍田狂歌斷續黃鸝
雨睡夢浮沉紅蓼天禪杖已生鱗甲印棋枰詩酒只
如前縱活椿靈兩八千與茲雙鑠何殊焉

漢臣云于閭架見局于點染見韻長篇聖手誠之云逸氣可凌太白其中思理如天孫鮫人之織巧不露緒爛不借色非世眼可辨

米元章犢鼻洗硯

天公揮巨斧斲成臨賀石石中雙鵲鳴驚起溪頭鸞
能令東坡作鳳味能令元章作龍壁飛入江淮淮水

澄○蒼○經○禹○篆○研○真○蹟○天○子○呼○為○卽○望○侯○特○拜○尚○書○加
 九○錫○賜○與○元○章○衣○錦○歸○朱○紋○寶○相○輝○瑛○玦○胡○為○唾○噓
 污○其○巔○却○令○東○坡○笑○顛○客○君○自○有○書○才○銳○為○精○神○動
 為○德○吾○自○任○吾○狂○隨○手○公○權○心○正○直○磨○礱○數○十○年○奇
 材○苦○相○厄○急○往○淮○河○顛○水○神○捲○起○波○濤○灌○鱗○脊○虛○中
 拂○拭○三○星○光○上○下○方○圓○皆○就○滌○袍○笏○拜○之○不○為○恭○犢
 鼻○洗○之○不○為○溺○蘇○米○各○傳○天○下○名○目○此○言○官○疑○忌○釋
 誠○之○云○借○他○酒○杯○澆○我○硯○礪○何○等○氣○槩

新篔

鸚○鵡○洲○西○種○玄○玉○風○流○如○陣○聲○相○續○一○月○雌○雷○出○地
 鳴○驚○起○龍○孫○千○萬○簇○織○織○菘○葉○小○兒○拳○忽○長○烟○梢○似
 耆○宿○帶○雨○蒙○塵○戰○曉○霜○穿○籬○取○徑○欺○菊○能○瘦○東○坡
 作○野○僧○不○妨○苦○笋○貽○山○谷○二○三○知○已○懶○呼○名○南○岸○行
 人○呼○是○竹

擬織女贈牽牛歌

織○女○來○何○遲○牽○牛○日○之○夕○星○橋○次○第○輝○冉○冉○飛○靈○鳥
 洗○車○香○雨○浸○雲○梭○不○覺○濃○情○歡○似○織○燈○九○微○絲○五○色
 夜○來○長○照○支○机○石○銀○河○無○語○但○迴○波○未○許○魯○陽○先○執

戟君不見仙人犢子娶陽都出門牽犢相招呼連眉
 細耳稱姝麗不鄙兒郎體氣麗君今雖作牽牛子移
 入刀圭配大蘇又不見濟陰園客茹芳草空庭忽降
 蚕妃早一縑五采繡盈筐携手良人婦玉鳥下妾雖
 為絡緯姬促織聲柔秋未老所恨浮槎天使泄春光
 繆云天上有韓香以致風流郭翰標神契甲帳瓊樓
 弄晚妝豈知子夜垂天畢一嫁牛郎不再出或降于
 山或在林雙來扣角諧琴瑟歲年年湘楚雲何必
 商秋七月七况復天宮過九秋便是人間八百一火

浣裳唯○拂七寶枕唯君暱偶語凭肩持贈密寄言

鳥鵲早○河夜夜駢車成妙匹

漢正云七夕詩古今下下千首大率皆昵昵兒女
 語耳此乃字字作青津碧荻昔仙姬語舒信道謂
 此間文章當如龍鳳隱起非詹望不足當之

郝隆七日晒腹中

郝隆胸中本無書○下○同○蛄○蟪○川○原○艸○木○皆○文○

字○鄭○賈○嚴○顏○半○備○天○地○留○塵○垢○人○間○何○用○曝○

衣○柳○白○白○紅○紅○當○戶○牖○一○絲○一○縷○珠○仲○容○顧○之○

驚○且○笑○漫○標○犢○鼻○垂○門○者○予○今○更○鼻○褲○亦○與○妻○

兒理破襦東階坦腹日亭午戲指其中有蠹魚蠹魚
千年食字歸仙去郝子皓首窮經僅執公此八老

不能對東君或者能知余放眼扶桑射鳥鳥剗腸碧

海吞姬隅日落冢山猶未起將離蠻府躐天衢三月

三日清池會七月七日藥草廬足加帝腹惟吾意不

向桓公手板趨隆時為桓溫椽
叅軍蠻府故云

誠之云撐腸拄腹數千卷幾箇用着一二句明眼
看古人放言驚衆

思葦鱸

鱸魚人秋肥秋入葦根老宦情未必冷如秋空羨葦

鱸亦小草

為王中翰周臣尊慈孫孺人初度

望省樓頭大雅裝閑琴清夜語行藏二三子作天台

賦十五篇成秘監古稍見菱華添野色依然萱草卧

朝陽青衫紅袖誰當老笑指雙眉比奉常又况螽斯

能逮下離離半臂總霓裳閨中齊飲椒花酒何必詩

人唱未央

贈虞來初先生

三事衣冠入画橋金山馬上看漁樵不須帶索干齊

王已見司鸞出宋朝捧制乍驚新使相傳書還紀古
官僚華胄滿庭皆列戟耆英富戶只吹簫青袍綠草
閒如許野叟山僧任遠招麟遊屈軼晴方吐鶴守梅
花雪未凋七老圖中君作殿五湖舟裏我乘刁矯矯
虎臣今耄矣吳人酒早張

倚間篇為孫武經尊

孫吳自古稱人英吳母孤傳齧臂
語可當武子十三禮書樓劔氣不終鬱有子翩翩上
玉京縱橫對策言風雨羅網先賢寓甲兵使作齊卿

頭未白宋子

訓如師律莫笑駢

車隊未成

漢臣云出奇無窮然語語根所謂此自兵法顧人不識耳

樂羊篇為楊聖西門兄之配王孺人壽

樂羊何所恃恃有敬共妻累絲成丈匹荒落悲前机
楊子雖績學匪妻誰結縵一處屢屢三十載布衣布
裳常不改怨懃桑苧慰良人上國文章如衣綵須臾
策名天府前勸夫直走黃屋邊百道桃花看不厭更
看李子結家園纔獻闕又生天霜華落鏡寒如許維

寒猶記臨岐語兒當門身織莒堂上公姑不吾拒差
池又十年甲子又重編素蠶全抽雪琅函半吐烟次
公文似成都錦登高將得帝王憐張素宴乞嘉言故
人無以壽壽此樂羊篇

悲任昉

彥升高步青雲衢僂力搜書斷簡餘平生愛奇句恣
意瑯琊署一紀練三都十年通六慮瓊詞入漢宮軒
冕來徒御所忌爲文過切題切題終遭建武譏芝蘭
不忍當門植瓜菓何須向闕携

漢臣云夏深慮遠之言文士口中僂侍說不出
誠之云借彥升爲文士指點東坡云賦詩必此詩
定知非詩人可參看

道南吟賦奚君翼武八十

問君齒何宿乃是杖朝年不作水衡尉居然耕玉川
嘉苗隨路秀野井自能泉我心但如堤上柳春來和
草綠裕裕我意又如湖上山長年不壞在人前一悟
焚千卷無言理衆誼莫將書伴老到處酒爲禪却問
西來是何意吾道南矣無他傳尊人字道南

與丁隱君

聖輿之尊

全五二集
茱萸灣裏百花開。水淺泉深遍地苔。每笑終南從此
捷。不知仙客自今來。身兼竹杖無餘物。草帶羊裘有
異材。問君年是何甲乙。但云丙下吾之袞。夢去曾爲
十八公。醒來甘作林泉逸。萬事如何松下棋。一言以
蔽床前拂我夢。無聊湖海費天津。杜鵑宜早聞。監門
作牧徒勞魏。博浪懸椎竟失秦。何如此日丘樊隱。散
髮披襟一似君。

漢臣云綺語皆雋爽語皆深惟青蓮能之誠之
云老氣逸氣磅礴而出然老中帶細逸中帶勁尤
難

王烟客年伯初度屬余詩画二紙爲壽余不能

画乃詩以歸之

王公年少濯纓時。步武履居長郭姿。冠劍不留紅粉
氣。五陵金犢自相思。一入容臺雙鬢古。縱橫禮樂皆
鄒魯。談經伉伉劉太常。錫之華蟲并白琥。頰仰天家
如暮秋。臣心如水亦靈修。西田一頃歸耕去。八月禾
風菱芰舟。江潭桂花新吐馥。侍史焚香更沐浴。人生
得意在丘園。世事棋枰空反覆。大雅巾車行道遲。宣
室文章信在茲。謬推詞客爲君壽。恨不前身是画師。

誠之云太常画是當今摩詰吾弟以詩爲画亦無媿摩詰

銅雀臺

珠○簾○總○帳○等○風○流○歌○吹○猶○聞○溺○妓○舟○曹○氏○帝○王○何○足○
齒○獨○傳○佳○話○與○箜○篋○

漢臣云言麗情者纏綿易斬截難此疑華端有鐵誠之云孟德英雄氣說得冰冷風流氣說得如生

過西施洞三首

勾○吳○玉○帛○滿○江○淮○但○得○夷○光○盡○可○裁○剩○水○殘○山○君○自○
取○看○花○此○地○獨○夫○差○

其二

老○去○旌○旗○偃○画○車○錦○帆○香○慢○逐○巴○歛○三○郎○猶○賜○弘○農○
歿○吳○子○多○情○肯○放○渠○

其三

琴○臺○香○徑○有○荆○榛○范○蠡○扁○舟○贖○麗○人○若○載○西○施○人○西○
洛○周○流○應○作○女○蘇○秦○

漢臣云三首俱持出新意載去西施豈無意思留傾國更迷君從此掣却扇簞矣

芒種村居閒步

黃○梅○疎○雨○後○麥○氣○老○含○秋○繭○繭○鋤○田○嬾○芸○芸○飯○草○牛○
鳥○愁○新○襖○襖○蚕○泣○舊○籠○箒○獨○有○柴○車○叟○垂○纓○咏○四○休○

漢臣云用疊字入妙從熟讀老杜中來

寒食同重其心甫吉生劇談滕子行齋頭及介
之推故事步韻

楚吏談三足○齊卿紀一元○玄黃雖異派○堅白自同門○
誰作神龍隱○潛將山火吞○焚言言不滅○古論又重翻○
誠之云四十字包幾部秘文

輓黃雲孫所聘侍兒姍姍之逝

謾說蕭郎好○春紅弱未歸○憐才因減食○納字乍開眉○
鬻女身甘殉○思君遠莫回○一枝孤葬月○來去却憑誰○

誠之云得此輓可無惜娉婷吾欲移弔孤臣之殉國者

苦旱

春來嗟雨渴○刪月又鋤烟○抱甕千畦苦○何妨小漏天○
天生蒺藜草○雲亂風如埽○陰晴半有之○金石皆顛倒○
僧歸香積裡○官舍翠微中○見此扶桑燄○吁嗟吾道窮○
爰戴石郎笠○笠高攀后羿○弓羿弓已被姁娥竊○走訴姁
娥空咋舌○將挽銀河洗稻稊○河水不來已矣○夫山山
野火焚漁澤○天旱豈為乾封乎○

宿樂清嶺店驛夜不成寐病賦遂初便有解組

之志

誰憐官舍冷。洒掃亦徒然。敗竹歆寒徑。衰楊負晚暄。
秋來半晴雨。國事幾桑田。鬢織如梭月。腸牽不斷絃。
江湖多網罟。天地一針氈。画裏山川蝸。角上盆中日。
月馬蹄邊南魚北雁。雖能語不爲愁人繫錦韉。鶴林
兵火花如舊象浦。津梁客又遷。斗北有雲終不雨。江
東大地竟無天子建。釋愁愁轉劇。文通賦恨恨何言。
百年人老鏡中髮。萬里行迷陌上芊。鶻鶻徒說春光
好。蒲柳須臾霜色煎。服官三十風流盡。崎嶇策馬又
乘艣。陰山雪夜胡人淚。雨館春宵楚客籌。忙中不覺
人長久。定後方知我倒。眞金蘭旣徧。思僧侶。鍼石無
功。廢紙錢。囚在檻中。惟拱北。鬼居惡道。不生西稚子。
能行皆羽化。乞兒強飯。總踰躑。縱橫案牘。催人病蠻
府。參軍將老焉。濯足未宜。君子潔。彈冠仍帶野人緹。
已矣乎。有心惟種德。無計可藏年。何不解印綬。歸當
芒種前。荷畚鋤荒葛。懸絲拾細蠶。五日勤栽菊。三秋
學採蓮。無可奈何安若命。清人執爨自支拳。爲愛禾
風恒射水。欲留松夢只歸川。兔脫如飛神鶻隱。珠沉

無底怪龍眠古木哀風雨夜山房坐擁一爐烟人
生而靜堦前石我意何如指下絃明朝有客知誰過

此日閒身夢裏仙

漢臣云几于啼苦声咽矣却仍不失温厚和平風
流蘊藉之致于此窺見胸中雅頌誠之云逸雋
似淵明歸來篇猶坡老所云力枝如江瑤柱也

秋日偕季遠心甫摘甫路然聽蒼雪師講華嚴

疏鈔得圓字根字

野客雲心自有禪得聞高論轉茫然迷人十九從前
錯聽恣一十此會圓回首春花皆敗棘無情秋樹總

亡猿招掛已入宗雷社欲造廬山又幾年

其二

不聞師論枉生身四部玄函祇着塵枯木可驅頑石
動六猴原共五牛馴梯航彼岸無多路指點寒山能
幾人一笑登峰雲破處凡夫引領見天根

漢臣云禪誦詩入妙者唐惟摩詰宋則子瞻以其
慧業文人現身說法也今得詹望乃鼎足而三
誠之云溪声便是廣長舌山色無非清淨身道是
箇中語也得道是門外漢語也得吾弟敗棘亡猿
句誦之心骨俱冷梯航指點句誦之思議都捐不
作禪語乃深於作禪語

輓門人過櫟生應其兄蓮生之請

東○梅○西○棖○兩○不○違○山○堂○依○舊○子○先○頽○十○年○春○老○看○花○
客○一○夜○燈○殘○注○酒○魁○曾○數○機○雲○推○二○陸○便○辭○王○李○憶○
孤○裴○珠○璣○滿○路○無○人○埽○國○寶○于○今○盡○劫○灰○

與陳孟民居士兼呈本符師

早○梅○淡○巷○自○生○春○恬○淡○柴○門○却○姓○陳○無○數○梵○書○心○是○
佛○二○三○僧○伴○我○為○賓○趨○庭○一○鯉○嫺○風○雅○入○徑○雙○魚○道○
苦○辛○朝○吏○莫○詢○何○甲○子○今○年○種○桂○又○栽○蓀○

和王職方崇巖中橋小隱詩

主人與堆山唱和詩多言佛事予偶讀道書即以道書和之未審主人能相視而笑否

安○得○猶○龍○許○庶○其○十○年○相○望○足○相○思○捐○書○絕○學○吾○何○
恨○息○影○歸○林○事○不○疑○為○鳥○為○魚○皆○夢○夢○呼○牛○呼○馬○亦○
期○期○從○今○抱○甕○空○園○裏○勝○却○驅○車○周○魯○馳○

其二

莫○向○徂○公○乞○鼠○蔬○園○林○澗○草○不○相○鋤○君○侯○棄○國○猶○遺○
土○父○老○當○家○只○掃○除○櫟○社○未○知○夫○子○意○輪○扁○休○問○寡○
人○書○坐○看○秋○水○無○言○日○已○覺○塵○心○冰○炭○如○

其三

春○雨○湖○山○一○画○磯○中○橋○何○處○兩○岩○扉○蜂○腰○樹○裏○傳○玄○

全五二集
密鶴頸溪頭語事稀川水歸川隨去穩越人安越老
來依文侯駟馬如相偈已結中庭子夏幃

漢臣云和韻詩全以重押處變化波瀾見奇似此
縱橫脫化匪夷所思疑為山谷後身
誠之云得意忘象但覺拈來俱妙絕似右丞

和吳江葉素旃雲窩詩

賈島還山索舊廬孟郊歸去復何居鐘聲到夢延殘
月鴻影橫窗送好書墮果當頭猿拾得鞞鷹在臂我
能舒行雲莫慣閒房住此地風流可曳裾

誠之云頸聯是大力量人語

送黃叅戎會葬祖父母父母

號上枝

昭陵一劍走空冥凍雨離猿薄暮冰休問前身河水
涸靡瞻匪父霍山崩千人會輓歌忠孝三世銘旌寫
性情從此頭顱堪許國不將兒女絆荆卿

為吳念誠年伯壽

雪航侍御
之尊人

柱下丹書入紫微仙僚特許賜朱衣椒花日映水稜
潔芸草香生豸綉奇觀象門邊扶玉杖凌煙閣上數
金枝延陵幾世官光祿九命何如百歲頤

漢臣云整麗工秀堪與唐人早朝伯仲

過浣紗江

千山小艇出重雲。画閣依然羅苧村。魚戲水紋朝浴日。鳥驚林影夜窺人。只今香夢西施在。况復當年鄭旦存。一洞薔薇開未了。吳王此後竟無聞。

漢臣云懷古正踟躕妙在不盡

遠興

烟雲生遠岫。花鳥共平原。道思于今發。津流舌底泉。

問茶

借問酪蒼頭。前山採茶未。蒼頭苦不言。側耳泉聲沸。

辨茶

之子來青州。伐茶去其茗。茶茗尚未知。安識蒙山頂。

田父食蛇

田父蛙屬

楚畊旋歸漢。西京復轉東。世傳蛇食者。終有食蛇蟲。

安州旅次

三春花未臘。五月客先秋。何得衡陽淚。分流易水頭。

漢臣云何減薛道衡人歸雁後思發花前之句

宿印叅僧舍與語

萬法皆因觸。孤心獨放閒。且無堂室禁。何用上門關。

蒼牛

蒼牛牧丹溪。舉足如飛翼。靜者自能仙。不分犁與白。

漢臣云立地成佛語 誠之云一回入草去換鼻 拽將來無乃多事耶不分犁白莫作無心看要還 他牧字

送在澗叔之普陀

關門叅妙偈。駕海謁神山。但得無煎解。不憂身後難。

烁山小广

霜華極目滿空庭。芳草無情減却青。百尺篔簹和石響。千家鷄犬帶潮聽。名山歷歷圖高士。故老津津說

盛明剗木澗邊成。小築巒雲應共屋梢平。

漢臣云三四直逼李頎常建

鸚鵡步韻

芍藥欄杆倚貴妃。金籠初試雪翎微。熱香願作花處女。說事應為鳥綉衣。一夜沙門傳舍利。十年隴右寄當歸。鳴鳩為醉柔柔色。不共霓裳羽客飛。

贈高碧梧道者

一枝栖羽欲何依。玳瑁樽前顏色晞。道氣自同瞿鵠子。心空不染荔枝衣。為羞玄鶴無多歲。頓識雲門第

一機江上青蓮曾把臂無心還弔玉真妃

遣封姨

雨陣縱橫入翠微。山僧破睡忽披衣。起看河伯行風使。曾娶天宮十八姨。

其二

風動高齋日已遲。驚開栖燕復雙飛。桃花花落盡流紅。淚枉嫁封家作小姨。

羨魚

鱗鱖初出釣。鈎鈎輕墜葉。燒來作膾炙。香使採香愁暮。

雨不如江上一魚罾

漢臣云吾直以為張志和漁父詞猶是王江寧一派

誠之云風蘊

蠶婦

頻灑桃漿亂葉中。還愁濃雨濕簾櫳。鶴林花下聲聲淚。為織西陵一點紅。

秋日離情行

梧桐纔葉下。絺綌已驚涼。健翮宵承露。紛英晚帶香。魚開菰子白。鶯喚柳條黃。虹見愁無雨。花陰聽有螿。愛宿爭巢急。因飛出竇忙。勒馬平堤尋舊友。蝦鬚乍

全五二集
捲見新妝眉黛不殊池草茜臨流惟見玉蓮芳妒菊
每懸雙岸立憐梨還向隔欄望爲悲霜重衣恒短不
借身輕水自颺如何相去一十里迢遞清輝如角氏
涉浚河水泚泚升崇岡露萋萋嫵媚遮前溪行行衣
帶裏野鳥詫朝容山猴啼下牀遷喬不就欲如何折
柳無媒愧伐柯惆悵坐眠俱不得那堪機女弄鬢髮
弄鬢髮鵲信傳來已渡河甕牖窺星小幽光帶遠波
更衣歌窈窕解珮贈姪娥不恪中宵冷潘安瘦損多
披芳闥地羅襪理棊尊陳素札白水知予懷永矢無

挑達和風蕙氣入蘭心釵響遲遲簪珥刷廢沼波翻
雙鷺鷺新人強起梳頭髮恐驚燕子出簾櫳夜來不
敢申門閤趙瑟吳琴兩不謀無端忽起子規愁玉筍
山前飛雪湧商帆處處浴颺颺月炤半窗鸞鏡拆星
搖雙櫂鷁舟浮雁宿平沙叫秋樹離人何日到中洲
子面不如吾面白千年與子同巾冪子去湘江又一
年瓜期迫矣人還匿画舫雲移菡萏魂山齋秋老芙
蓉色笑比青峰吾又蒼一灣兩灣風浹浹當軒衰柳
惜殘暉簷下闌花空剪劈君不聞江妃含嚔而聯眇

江神鬱怒而嗟峨江豚溷淆而飄忽江水徑直而陂
池艫人怯鈎挽漁子皆摩抄寧爲下潮鴟莫作上潮
鵝車行蹇蹇不如馬猶勝中央水一渦古有飛仙亭
仙人曾駐迹今有任公臺公去無消息長似琵琶月
下船烟銷霧冷愁孤隻風催蝶去悄無人水送魚來
非爲客一朶新花半落塵何堪九月清霜滴清霜滴
天籟蕭條雲影黑遙遙河漢石隱隱朔風燐花殘多
子樹月冷無雙人秋榮不常好春心安足論芳草王
孫音問歇哀哀黃鳥鳴天真定眼不隨紅葉亂游絲

青瑣任紛紜雖遇五更中欲火爭當子夜興如焚

予曾傲居茗上興味蕭瑟無異寒山老僧輒自咏
云雖遇五更中欲火爭當子夜興如焚吟嘯良久
晨鷄始唱漢臣云濯艷而深華此劉舍人所心
折于招魂招隱也使見斯篇必當移贈誠之云
梁武自紆意本楚詞所云私自憐者君臣朋友之
際不能有終而中道棄捐者多矣讀離情行亦自
紆遺風而長歌哀曼者也

春日觀釣者

垂釣有淡意望山多遠情山光含翠黛釣叟矚青冥
沙際草常沒樹頭雲亦平鳥巢因雨失蟲竇向風零
無風聽楊柳有雨看藻萍一灣波底月幾點鹵前玉

全五二集
剪月月還圓。妻梅梅自獨。潦倒詩人賦。子推新烟漫。
起燒山屋。遙見滄洲日。是賓不知海外天。何屬。

白露

秋來露華濕。沾浥子陵裘。解帶臨磯曲。飛蓬大火收。
寒蘆羈雁足。白朮產獅頭。蕭蕭紅葉下。草木一庭愁。
子晉仙遊應稅駕。向平客倦幾停舟。

濠梁吟

濠梁寧在遠。幽人意。蜿蜒衡門燕語稀。簾外鶯聲暈。
流離公國數瓜期。東風不爲寒香轉。九月梨花祇悶。

人一絨蕉布如紗軟。漚漚雨後日蕭條。蘆荻和風渡。
小刁未臨山坂長。楊道不盡溪灣古。渡遙山銜峭閣。
當虛立舟過。迴谿兩面招蒼梧。翠竹誰爲伴。漁翁竚。
立藕花橋。鷄因去。懶籬邊宿犬爲歸遲。簷下伏短屋。
長容白髮人。肥槐瘦倚經霜菊。歸鴻此日又來賓。征。
馬十年常似僕。手洗征衣足。又泥驅車中路說其輓。
欲禮親朋一字稀。陽關詩是無情曲。今朝卜築此中。
居老圃一樽常自足。鄉人呼我是匏瓜。脫却簪裾手。
自又有淚耕牛頻喘日。無情野鹿醉餐霞。閒來靜理。

全五二集
千言偈倦去惟煎一葉茶。世事不関予嘆息。雲吹綸絮落。星槎星聚皆爲客。雲端似有家。却問雲歸何處。村雲亦不知空叱咤。空叱咤。日之哺矣。君無暇。君無暇。棲鴉歷歷當軒罵。漁藏燈影蘼蔣中。風送鼓聲樓閣下。鵲喜新晴踏遍松。鼯窺宿雨眠多稼。皆言此歲除採葉瀟湘。汜林枯我亦癯。斧入空山化。

漢臣云寫境述事几于寸馬豆人然字字作烟霞氣金石聲西崑無其閒秀長慶遜其精工

書子建釋愁文後

直路猶茲今已傾。文章苟簡聖書零。桃李無根叢桂

折玉山其壞。酒壇坑禹門。波路濶程墻。風雪橫婦人。爭說理奴婢。可言能香草。亡生愚類螭。寒灰養息智。同蟻欲知善。世惟逃物虫。裡蟬身衆裏僧。

秋草行

名花開路傍。雖名不爲寶。縞縞拒霜姿。臨池伴秋草。可憐秋草癡。不知人意非。蹂踏香車下。帶雨還霏微。衰楊戀殘葉。因此惜流澌。幾處籠烟霧。一行飛鷺鷥。東君此日猶堪市。萬古誰如松栢奇。

漢臣云人作此題定不勝憔悴搖落矣似此言簡意長真三百之遺

買花行

花生空谷中。花開亦瀟洒。山鳥銜幽貞。歲與王孫買。
王孫不惜錢。衣以五銖綵。始信叢臺姿。沉埋將十載。
折節隨此君。歲寒心不改。巫雨半荒唐。秋來別有芳。
去。去。王孫遠。入湖湖水滂。風吹日將晡。翻手調笙簧。
魚戲水參差。鳥驚人歎息。人迷花不猜。花在人如擲。
天香滿戶誰知之。愴我冰心浥露時。臨溪小閣芬菲
夢。便到菰蘆客。艦遲在天願比無名鳥。在地願為無
色草。休使王孫脂粉錢。花倩金錢花不好。

漢臣云草木有本心何求美人折每讀二語想見
鉄石心腸此詩正復如是謂宋廣平不應作梅花
賦者未知詩家比興躡耳

次黃漢臣放生詩原韻

十首

無○端○山○水○障○重○圍○山○自○迢○迢○水○自○肥○但○使○屠○兒○皆○作○
佛○一○龍○兩○虎○盡○高○飛○

其二

竹○鷄○兄○弟○泣○西○風○萬○里○黃○陵○一○塞○鴻○相○放○莫○教○紅○袖○
濕○南○人○北○客○總○歸○空○

其三

全五二集
飛來蛺蝶是青蚨。萬貫千絲入御厨。天上肯開些子路。人間何必筭錙銖。

其四

猩唇詔詔不須論。玉髓霜刀斲掌痕。移寘畚中誰是伴。宰夫身已入凶門。

其五

秋侯何罪一朝剝。取餉雄兵入太湖。却悔鷄山啼曉月。曾教越女破姑蘇。

其六

星落漁竿捕影沉。停橈獨聽海潮音。人心莫似青郎狠。嚼盡蚶田又入溪。

其七

謾學龍人去採藤。穿羸決蚌獻何曾。南朝稽首空王戒。宰相君公半字僧。

其八

螳臂何須怨伯喈。殺心隨響到空街。郢侯若解琴中意。爭忍骸骹遍地理。

其九

西苑離宮吐夜光。投毛獻羽禍機藏。鶴巢還釀江都報。何況猪王更犬王。

其十

殺生公案滿牛腰。殺者紛紛手自招。林甫化成蒼犬去。應知義府是家猫。

誠之云。伯以竹枝之豔。作半傷之詩。一時和者驚其別調。漢臣云。搜奇索隱。瑰麗獨絕。

浪遊

水流花下兩飄紅。遊子何心泣五窮。直艇正橫天際石。長雲斜掛樹頭松。駢夫塞足同羸騎。漁叟支願學

放翁。祇恨齊姬西處宿。來朝還食泰山東。

漢臣云。乍讀之。但見其流利閒適耳。中有達觀定識。是淵明香山一輩人。誠之云。方傷羸騎便學放翁。憂世樂天。合寫得妙。

和高民壽宜休居詩

秋月秋蟬何處吟。蓬蒿滿戶昔猶今。燕王下客皆駮乘。漢祖遺賓但入林。花外暗占靈鳥信。雲間長對聖人心。南山未必留種放。且聽漁溪醉叟音。

咏桂

南嶺香飄天下聞。自然高氣出氤氳。叢中玉粒無多

子○葉○底○丹○房○有○數○春○三○度○九○秋○蘭○變○色○千○年○八○樹○檜○
為○群○何○人○梯○上○天○宮○採○却○墮○人○間○掠○作○薪○

漢臣云標韻不必言末語直使泥塗才士感而欲泣是何等肝腸

讀淮陰侯傳

淮○陰○年○少○本○人○豪○發○憤○韓○公○事○漢○高○圯○上○老○人○同○此○
意○均○為○將○相○解○魚○烹○

南湖

南○湖○灝○泫○等○天○寬○一○任○漁○郎○放○眼○看○博○物○張○華○曾○艤○
渡○蛟○龍○皆○醢○作○魚○乾○

聞馬山蒙師能詩與其方伯游太湖嘲之曰人說南湖萬頃寬我來只作等閒看恨無萬丈題詩筆一醢須教徹底乾方伯不能對予戲答之以此

月夜遊摩竭庵見齊修師歸舫

月○滿○虛○空○藻○荇○排○僧○篋○一○二○放○魚○來○五○更○佛○寺○多○閑○
鎖○為○爾○婆○心○夜○半○開○

過隱石僧山房

鶴○向○支○山○去○憑○虛○得○隱○君○高○叅○人○外○典○靜○討○佛○中○身○
路○滑○當○峯○面○屏○開○破○石○痕○但○逢○竿○木○戲○金○舌○不○須○論○

和朱望子秋夜艤舟江上之作

全五二集
鴻吟烟渚暮隨鶴到扁舟子美汀前恨青蓮雨後游
傷哉歌九辨誰許置千秋槩壓蘆花重飛來和白頭

其二

天地日方肅金流大火餘英雄多漢季野史半虞初
有社辭玄鳥無心愧太虛江頭風月賤爾我共侵漁

過村庄

海霧初晴日人歸何處濤捕魚同姻澤打鳥惜林檎
朱槿封泥久胭脂浸月深風前解羅帶村女笑停砧

與邃如僧品茶步韻

十月槍旗發嚴霜性不移蟬膏分予妓雀舌自知醫
煮雪通禪意聞雷聽法機一甌心醉久不用酒監期

漢臣云以茶說法直是詩中趙州誠之云與僧
品茶却點入蟬膏予妓雀舌知鑿甚奇須看其章
法清楚

濁酒

濁酒畏多煎愁眉聊自妍詩書為菽麥著述是豐年
奉母歌明發從兄衣德言莫愁霜露冷焦孝只蝸眠
誠之云本地風光受用得真寫得出

為錢礎日兩尊人慶兼贈礎日

湖海高人不紀年。薜衣蘿帶恣躡躔。清風入座聞詩禮。蕙草當軒種玉田。誰憐黃髮高堂暮。房中猶洒宜春露。芳心婉轉庭砌花。相守儒門惟布素。名人爭看洛橋東。亦靜先生負短筇。行徧春山芟未翦。語餘秋樹鶴初聳。歸謝諸公吾老矣。南山休怨北山窮。君不聞武肅射潮逞強弩。毬馬玉帶朝天祖。而今若水之齋半丘岩。猶有錦樹山人登秘府。季子生涵日月華。年少憂天追夸父。擔珪析爵豈難逢。繇來祿養孝之終。矯首漁樵還太古。慙菽水事中庸。左氏門庭賤。章句憑軒秉筆籌。前箸文山臯羽謝知心。一賦十年何足譽。高文滿篋貯葡萄。柘館陰岑肅酒殺。兼醉坤慈雙七秩。聿占乾卦九三爻。

黃蜂誚蝴蝶

小小鬚眉亦戀花。非能釀蜜又含葩。韓憑空有青陵夢。難禁蠨蛸一網叉。

蝶笑黃蜂

莫莽針鋒上曲臺。花魂憔悴惜衣胎。塗丹抹漆成朱戶。野火燒鹽亦可哀。

山與盤衣
纔出官衙罷簡書
青山處處擁柴車
仙踪飄渺歌金石
莫與齊王論瑟竽

遇雨

一路桃花紅霧迷
閒烹茶乳嚼冰梨
驅車日影桑榆暮
緩緩吳歌又踏泥

誠之云似夢得竹枝詞

繅繭

麥信風來長養天
東郊兒女夜跼躄
稱絲莫比瓊林

庫一繭應償一貫錢

漢臣云較聶夷中詩更覺醞藉

賦得青蓮喻法微

千葉如翻大海藏
重臺還度轉輪王
人生舌上青蓮馥
錯向青蓮覓廣長

流螢

汎影空霄似翟翬
流金煽火入宮闈
熒熒腐中欺新月
霜落秋風不可爲

漢臣云東風自是人間客
主管繁華得几時
語妙在婉此妙在直

說易

年年說易理筵筭。畫徧乾爻未濟全。山鳥能言匪識
字。道人何必苦談玄。

聽社燕語茶不報燕子西遷

茶發深山巔。鎗旗空自鮮。不睹栖梁乙。安知春社前。
陽坡橫瑞草。寒食縱新烟。燕為茶博士。人是茗臺員。
應摘龍安液。先酬雀舌言。清風不相贈。玄羽復西遷。
差池簷下客。誰將舊主憐。

秋夕同以謙野望

微烟藏古寺。澹雨漑山家。幾點汀前雁。爭攀天上查。
看花吾獨老。相對有侯芭。

訪石門無名氏僧有荅問者

自言西路人。避難東來此。高居三十年。讐家則何以。

其二

布衫重七觔。冬夏不離體。借與石人穿。石人擔不起。

其三

四圍皆巖薛。無柰心如鏡。月下老猿啼。有虎前林歇。

其四

况復風雨秋○雨後寒泉滴○坐子亂流中○不見子見石○

其五

家鄉去子長○曾夢山妻否○我且不識吾○何暇尋箕帚○

其六

使人餉夫子○鹽豉而已矣○爾我共嘗之○莫更分彼此○

其七

山中無剃刀○髮長寸有五○人能剃其心○何必摹初祖○

其八

百迷今一悟○一悟永不迷○從此上山去○不復下山疑○

其九

山後一園竹○遲君此間宿○君來不早謀○空效窮途哭○

其十

送君一莖草○能醫百病好○問子藥何名○君心自探討○

誠之云似俠似禪似隱有此異人安可無此詠

鳥啄紅梅

南枝栽放萼○小鳥便飛來○白雪從君飽○休將紅玉裁○

其二

打鳥鳥不避○紅英飛水裔○剛餘一兩花○貪嚼亦何味○

偶成

日下雲為笠。山前樹作籬。詩成應滿篋。得意半無題。

自箴

颺晏無關鑰。逢人夸偉畧。不知修厥身。未免玉而确。

漢臣云直為千古才人名。人文人痛下針砭。但意嚴語和。使人不覺耳。

慰歎

閒倚欄杆話夙因。幾年淪落渭陽濱。行藏未卜顏和禹。忠孝難兼甫及申。踧踖自甘魚蠹老。逡巡誰許鳳麟。臣考文應次。隋天子比德猶宗魏。聖人風月無邊。

湖海濶披衣引領望更新。

漢臣云寄託甚遠。杜拾遺許身一何愚。自比稷與契。固非供奉可比。

高碧梧與言福地之奇。兼述道妙喜而記之。

龍山一羽士。能探定後泉。清虛破蘿棘。窈窕窮蒼玄。

呼我入山去。與言仙子遇。手提青竹籃。授以長生句。

身世有無間。酪然絕思慮。子不聞八公有遺藥。掛在

山之角。食之駐衰顏。舉體輕蒲弱。忽如跛行人。翩躚

上樓閣。又不聞四明一萬八千高。何人躡蹻數峇峩。

星辰近作瓠犀子。日月纖纖掛兩瓢。地肺有風儲藥

草天腸無雪引山椒况復芙蓉峰頂異二百八十有
其二西橋短石挂僧衣南院閒房貯仙帔仙踪天矯
去無端玄鶴一聲凡鳥閉鶴脰雖長斷者哀誰携仙
侶賦歸來烹將日月顏長駐剖得珠璣道未孩丹花
逗我行春興白髮催人養聖胎獲與高真同一宿將
身溷俗亦蓬萊

漢臣云詩家賦神仙事者以青蓮為極則飄飄瀟
灑字句間挾十洲三鳥之勝非崑以丹青霞篆取
麗也此詩逸情異采堪稱敵手一落幽詭雖長吉
不免有鬼才之目况餘子乎趙月潭云如絳雲
舒卷珠泉噴落古風大家手也

青山

青山人不語嵐氣有無中鳥聲濯磐澗花影入鬢鬆
只愁桃李徑徒然累蝶蜂我欲松門下摩抄草履從
寥落秋容盡虛微僧寺通長年泛海渾無迹一笑登
山已破宗

為張公調之母劉太君慶

皎皎白晳生朱門朱門有女姿溫淳為妻不敢嘗梨
棗為母惟能粉細辛一自深閨聞鴈後無數繁華歸
領袖金枝玉蕾傍妝臺三子森然成國胄笑答高堂

全五二集
一○隻○知○冰○心○執○愛○強○支○持○吳○蚕○罷○繭○不○盈○疋○安○得○瑯
盤○纍○素○絲○今○皆○捧○盤○爲○母○壽○象○母○年○如○素○絲○就○涓○涓
新○月○上○銀○篝○此○夜○靈○祕○方○入○繡○

訓張醫士克占

天○乎○何○屑○屑○五○指○縱○橫○切○能○攻○腠○理○深○不○用○頭○風○檄○
頭○風○入○髓○趨○三○陽○妻○孥○四○顧○皆○徬○徨○先○生○今○日○之○長○
房○乘○桴○大○海○如○周○行○長○桑○耄○矣○盧○生○亡○不○遇○先○生○病○
豈○襍○此○去○安○知○縮○地○良○揮○戈○引○領○望○朝○暘○

画馬

韓○幹○画○馬○惟○画○肉○今○人○看○画○幹○已○足○不○聞○曹○霸○馬○猶○
存○弟○子○知○名○師○隱○伏○可○見○今○人○貴○耳○不○貴○目○

讀劔南記

一○紙○戎○書○入○劔○南○石○門○銅○鼓○盡○朝○叅○文○臣○莫○惜○封○羅○
甸○忠○武○身○經○百○戰○酣○

應教乞食

曾○看○彌○勒○州○邊○月○便○學○觀○音○井○上○蛙○孟○鉢○滿○街○爭○次○
第○却○忘○葱○白○是○瑜○伽○

漢臣云借食輪轉法輪此是無量布施

浣衣

禪衣十載苦纏身。脫罷清溪洗一巡。流水暗將塵垢去。來年此地莫投綸。

誠之云詩以味為王吾弟詩每饒于味

薪齋二集卷之二

詩

咏蘭

微○臣○草○詔○題○蘭○若○一○時○花○柳○皆○搖○落○惆○悵○少○陵○曾○見○之○有○詩○惟○賦○梅○花○嚼○梅○花○嚼○何○似○猗○蘭○芬○且○約○玉○莖○紫○筍○青○珊○瑚○携○入○香○臺○佩○瓔○珞○猗○猗○素○質○來○中○庭○九

黃家舒漢臣評

錫山呂陽全五著

兄自咸誠之閱

全王二集
吮暄妍十倍清。曾呼蒼荀為禪友。敢喚楊梅作聖僧。
花○魂○月○魄○相○夫○婦○蕙○圃○江○籬○爾○弟○兄○林○下○自○饒○君○子○
氣○無○心○依○傍○貴○侯○亭○

漢臣云位置孤遠沉思忽往知其在高山也

送歸燕

籬口能銜海上泥。吳宮番爪只鷄栖。差池鍛羽荷衣。
淚○復○共○啼○烏○帶○月○西○吁○嗟○日○月○轉○蓬○亟○雁○母○南○今○燕○
母○北○春○風○肺○肺○且○泔○泔○四○海○為○家○何○處○客○

初叅

千年墮落此山中。小示禪機便五通。猶恐旃檀多嚼。
語○來○生○還○作○老○狐○蹤○

予辛卯秋大病兩月不愈因憶轉機師語禪家入門須猛叅竹篋子方有進步予平日既叅之不得病餘徹底叅之乃大寤信口道云劈破篋管百節通一絲不挂在其中刀痕有着無尋處周旋折轉迅如風又云負在網中心胆驚人在迷中氣骸惺老僧為我宣佛號人負俱得度前汀又云好好天生一箇月霎被雲遮萬里餘我有一把鐵掃帚掃開雲霧見天衢少焉月出東牆上潐潐照見井中魚及到井中撈月太澄然月骸同天虛與此詩皆病中語也漢臣云青蓮座上人語字字實地口頭禪望之氣盡

讀淮西碑懷裴晉公

淮西碑頌足千秋。尚主移文敢較讐。鵝鴨聲中推李愬。韓文依舊滿溱州。

送堯羽兄之燕

攜手留君君去吳。前村花鳥話三都。詩書堂構來名士。鞍馬衣糧愧壯夫。按節遠聽蟲臂小。揮毫還倩鼠鬚疏。生芻一束人如玉。何以辭之子曰母。

誠之云清越之音洗盡箏笛耳方解賞會

姜龍池副總戎固辭督銜詩嘉其志

西京胄士肅登壇。技擊餘生制闡難。豈爲軍山攻未剋。翻嫌宦海濟無灘。鶯啼細柳愁金彈。雁過黃花苦玉關。萬戶可將猿臂攫。滿街軍校盡封藩。

送賀仁宇督兵之閩

千里征塵曉箭催。三軍銜命肅條枚。曾容祖述先鞭杓。敢共張遼隻騎追。壯氣直驅封豕窟。仁師還見角端騭。麒麟閣下今虛左。不破昆陽不凱回。

送蕭五雲州守

日遠天高葵藿抽。滁陽太守著英修。芟鋤醜類曹參律。撫字馴黎召伯猷。鏤版但書冰雪字。攀船欲寫鷺

鶴儔鄴侯食邑皆華腴視草含香不再留

謝姚醫士秀芝

君才本向六書優出採三芝百技收析理細如絃上
切談虛明向鏡中遊搽家視此無旁患治國如斯裕
老謀渤海名高應變業秦人恐使太醫求

之任東甌道中作

夙駕星言度海邦仙人羽葆上官幢丹心猶戴宸居
紫綠艸頻催客舍霜我欲云云思汲黯卿多吃吃是
周昌風塵一路懷天語敢謂南箕不簸揚

漢臣云沉厚篤摯直是老杜北征諸篇以之入律
尤難誠之云語露肝膈亦樸亦傲風格宛然錢
劉

唁膠水楊青丘世兄為楊用賓座師喪子之戚

瓊田玉本暗傷神不為寧馨痛不真人向黃茅江上
立兒從鳥鳥穴中淪無心再整金桃夢此地空飄丹
桂魂酸絕當年書種句西河將與北邙勻

憶浦瞻霞師

微生喪德佐河汾灑淚松門隻影頻画裡尋詩非有
相醉中逃佛豈無真窮經五夜羞膏火讀史三年動

鬼神眼落崑崙輪翻翠釜欲澆斗酒問高旻

周母蔣孺人初度應其胤邇彛兄之索

梨妝月下寫幽貞有子攤書對短檠學海波翻來李

自文河水潤得荀卿冰甌雪椀酬芳節羽管盧笙醉

玉英母云無父吾何慶委地金釧夫子命翠黛紅裙

不再陳終宵機杼吾之性含藜啜水盡兒歡兒曹應

比周郎競周郎詩作水曹郎將母能登薇省堂游獵

賦成天子笑明光詞就五侯狂瘦竹黃花雪衣女一

旦紆朱笏滿床

祝高民儔之母薛孺人

兼葭依玉媿余存誰人呼作凌波軍鄙堯誦舜不之

仕坐擁高堂一女嬪女中亦有箕山節何必朝衣六

舞尊裙袂芙蓉光細細釵茸翡翠日綸綸譬諸古人

糠粃耳吾輩何如梁孟貧寒梅花發深閨裏春園玉

笋培青根

宿鏡湖戲殘月

蒼茫遙吐月一片光如噎無雨亦流烟勞人荷蓑薛

可惜明皇賜鏡湖湖中有月盈還闕若將闕月換後

湖○寧○拜○後○湖○辭○此○月○

漢臣云奇想幻筆太白所却月中桂清光應更多猶似平平

蛙○聲○二○章○章○六○句○ 用成語

園○有○蛙○入○水○而○呀○為○官○乎○我○士○聽○無○譁○為○私○乎○曰○予○
未○有○室○家○池○有○蛙○負○艸○鳴○沙○吾○喜○今○所○以○為○蝼○蟻○
吾○怒○今○曰○盍○婦○吾○艾○豸○

又蛙聲三章章六句

戲為東坡小妹少游問答

園○有○蛙○入○水○而○呀○為○官○乎○曰○武○陵○太○守○蝗○為○蝦○為○私○
乎○曰○天○王○石○勒○爭○漚○麻○池○有○蛙○負○草○鳴○沙○吾○喜○歟○

日○柴○紹○一○軍○彈○琵琶○吾○怒○歟○曰○禰○衡○亂○擊○漁○陽○槌○
東○

園○有○蛙○入○水○而○呀○為○官○乎○曰○蠻○觸○功○名○闕○角○蝸○為○私○

乎○曰○錦○衣○田○里○奔○蝦○蟆○池○有○蛙○負○草○鳴○沙○吾○喜○歟○

日○殮○花○河○上○成○蜂○衙○吾○怒○歟○曰○射○潮○東○海○吞○鱗○鯨○
少○

園○有○蛙○入○水○而○呀○為○官○乎○曰○宮○中○畜○我○流○金○馭○為○私○

乎○曰○鷓○鴒○懊○惱○我○無○家○池○有○蛙○負○草○鳴○沙○吾○喜○歟○

日○可○憐○牛○女○扳○浮○槎○吾○怒○歟○曰○欲○剪○銀○蟾○如○削○瓜○
小○

漢臣云小小排場然非極博與極雅雋者不能誠之云都是蠻語絕佳

家慈迎養官舍聞誕蓮兒口授誌喜

洛陽看花設裙幄吾獨長門歌且罟夢去鷄鳴夫子
存覺來墻上雙鳩鵲珠沉合浦風颼颼有子探驪項
下求驂天便入金華省載我還登節度樓努力先人
事樽俎依依日下官典午兒今已育青麟駒猶與兒
曹學鳩舞

誠之云直述賢母口中語便是真詩妙詩

張封翁夫人壽言

歸光伯

司空博物張華府牙籤架上參相伍詩書之氣久欲
燃揮酒一朝稱仲父尊前有母顧氏姝剪机立教行

踟躕學殖贊夫不逢世將雛儔偉成龍駒矯首金門
脫群去夫人方御太常輿嘻淑哉人間萬事惟有子
誰能致身高雲作天士得筭人推五福先誰為文宣
宋氏之上賢予今讚歎莫致辭碧桃花下春千枝漢
帝行頒女師宴笙歌四部樂粉袿

寡女吟附顧修遠貞烈傳後

秦永儀之聘頍既聘聞喪守節

佳人縞素含愁嘖桃李皆為荆棘蓁棄鈿遺釵風策
策斷橋孤水月淪淪三年一晒猶無色况復聞風面
未親積案盈箱君莫曉新機弱縷有誰鄰宛轉凌波

仙○子○筆○一○慰○瀟○湘○泣○玉○嬪○佳○傳○不○須○千○斛○米○行○間○都○
寫○衛○夫○人○

漢臣云貞烈詩易酸易腐安得韶令如許

見桂懷友

吳○斧○丁○丁○入○画○闌○玉○犀○春○已○破○寒○斑○才○分○鄴○水○丹○黃○
第○韻○配○淮○南○大○小○山○金○谷○有○花○皆○菊○婢○平○原○無○酒○不○
瀾○翻○韓○蒼○到○處○稱○名○士○欲○上○臯○塗○過○幾○關○

贈鄭雷天儀賓

稜○稜○素○骨○倚○神○舟○吐○納○風○流○不○我○猶○粉○本○雲○山○新○着○
画○栢○梁○詩○句○舊○歌○謳○清○源○釋○鑣○龍○歸○夢○雁○蕩○迷○騶○虎○
導○遊○應○是○玉○仙○來○帝○里○鳴○珂○佩○璫○卽○丹○丘○

漢臣云風流禪寂詩画雲山合寫入妙雷天奇士非此不足留其小影

山家卽事步韻

薜○蘿○爲○宇○竹○編○門○雨○過○泥○墻○溼○短○禪○薙○草○懸○鈎○來○尺○
鯉○拳○帷○作○障○獲○雙○狙○三○行○魯○醜○從○先○進○一○曲○吳○飲○習○
幼○孫○稽○首○田○神○無○別○語○蟲○母○妨○稼○井○母○咎○

黃心甫云村態閒亭具見淳樸漢臣云字句皆從經史鎔鍊所謂韓文杜詩無一字無來歷處

高南旃以白鷲詩見遺時誠之伯兄已和六章

矣亦如所和和之

身○生○毛○羽○便○知○非○寶○墨○庭○前○香○輦○稀○玉○女○當○窗○留○一○
笑○瑤○姬○降○院○合○雙○歸○羞○看○妃○子○鴛○鴦○綺○愛○着○王○恭○鶴○
筆○衣○海○外○文○章○空○是○色○何○人○爲○賦○燕○子○飛○

其二

玄○圃○池○塘○梨○樹○非○蕭○蕭○鷓○語○傍○簷○稀○野○花○長○嫁○東○風○
去○素○羽○偏○隨○王○母○歸○髯○近○千○年○稱○石○叟○巢○容○一○絹○作○
絹○衣○雲○軒○爲○覓○香○山○老○瓊○蕊○真○人○亦○奮○飛○

其三

玄○鳥○生○商○世○已○非○吳○宮○魏○室○總○依○稀○恐○驚○東○海○千○花○
發○故○學○南○山○四○皓○歸○銀○蒜○簾○前○還○縞○苧○綠○枝○樓○上○解○
緋○衣○相○看○塵○尾○皆○王○謝○下○上○音○聲○不○任○飛○

其四

京○房○曾○語○易○林○非○家○有○胡○雛○感○歎○稀○不○向○錦○江○搖○尾○
去○翻○從○梅○嶺○帶○香○歸○臨○妝○已○作○王○彪○髻○繞○闕○還○穿○李○
泌○衣○此○去○瑤○臺○窺○月○魄○肯○陪○鷓○鷺○一○行○飛○

其五

珠○宮○淡○鎖○漢○家○非○冰○壑○闌○干○頡○頡○稀○青○眼○山○人○應○拂○

全五二集
拭宜麻給事早籠歸。逡巡寄柬遺絲縷。窈窕穿簾作
妓衣。一夜中郎書滿壁。知君揮翰影如飛。

其六

春來是鳥入秋非。落落晨星故老稀。誰肯貧家猶北
向。不思錦綉便東歸。蓮花心淨軍持水。大士山居道
者衣。悔採香涇紅杏色。風吹泥絮任空飛。

漢臣云有其博與者無其雋快有其雋快者無其
可麗合德園中郎若士三先生之長乃能辨此
誠之云搜剔萬象盡態極研詠物之極則也

為徐魯詹尊慈悅辰稱慶

女史浪傳無實義。扶風筆札何多事。有子能文莫外
求。素書來自瓊英賜。層樓歌舞玉如泥。花下褊褰鶴
為婢。

為影娥妓理愁

十年歌舞學輕身。剪雪迴風到處春。妝鏡自明無月
夜。幽香還借玉為魂。鶴林神女貽瓊佩。一時脂粉失
精神。此去江頭聞雁信。不隨黃鵠叫孤辰。却恨相如
渴傷心。錦水紋衣衫。霏白露樓閣。掩黃昏。桃花寂
寞。猜仙客。翠羽嘈嘈刺采蘋。應共素娥姑射冷。靈虛宮

殿○惜○離○群○人○生○悲○樂○不○平○事○床○前○斗○酒○細○評○論○

思摩伽陀

瓊○浪○飄○來○一○點○青○相○看○玉○寶○半○高○僧○摩○伽○到○處○修○行○
徹○不○借○騰○衝○始○上○乘○

戲題桐花布

桐○花○小○鳳○逐○花○生○花○落○因○何○遂○滅○形○豈○向○哀○牢○成○絮○
布○分○來○詩○叟○作○吳○綾○

漢臣云拈來便韵

讀安南記

層○崖○飛○瀑○響○高○秋○猿○鳥○愁○窺○白○石○洲○者○卜○河○西○車○騎○
斷○安○南○猶○祀○壽○亭○侯○

附陳本符師署門詩後

點○點○歸○鴉○暮○還○吟○五○老○筇○水○聲○亂○人○語○麥○浪○起○花○風○
聽○雨○天○如○皺○搏○雲○石○可○春○不○堪○斑○鬢○叟○悚○息○問○重○瞳○

漢臣云田園詩冲淡易堅樸難此于堅樸中更有奇響

聽蛙

耳○食○春○鶯○久○還○聞○夏○語○蟲○蠻○歌○搖○反○舌○漁○鼓○眩○龍○鍾○
怒○月○聲○先○沸○馳○河○氣○欲○狎○不○愁○蛇○目○聽○前○路○有○蜈○蚣○

誠之云嘲笑他還是喚醒他可謂肆而隱

華仲通被繫得釋書此候之

芳名載半與毛欽未了平生北面心坐擁寒爐深夜
雪小樓高卧到如今

漢臣云此擬確當

代李衛公疏西嶽語

金方作鎮擁金魚李子何人獨御車或走西秦或自
帝與君前箸意何如

誠之云將衛公書對看此詩知此詩之簡妙

懷所思

仙子凌波一笑傾荷花香岍浣微醒詩人錯寫莊姜
艷螭首蛾眉不近情

越女

越女肌膚白雪冷梨花還帶蕙蘭馨吳宮此去宜歌
舞陌上春歸不再青

咏梅

不信山人衣紫非瓊絲雪蕊趨熹微羅浮月下花如
夢傳語霜禽莫亂飛

漢臣云澹杳霏微古今咏梅者獨此得其神韵

鷺鷥

鷺鷥池頭白雪飄○淡粧靚服含鮫綃○望中珠樹雙雙○
舉宵學孤鴻叫海潮○

白薔薇

玉鷄何事綵衣纏○遙洗鉛華對野棠○若使猩紅還着○
麝楊妃先已占梅妝○

風月

月照瓊樓半臂紗○秋風何故入貧家○天然風月分炎○

冷却使楊朱哭路○

誠之云如此點破缺陷界却不消度世人矣然孰知作者淚落心窩也

弔嚴與陽先生

桐江一縷繫君臣○漢室誰如嚴子真○野老適成天地○
濶箕山原有許繇墳○

顧隱君草堂吟

號涵誠

草堂閒閒兮樾館芊芊○而君居屏舍之西偏○雖屏舍○
今其不減于金碧之屋○羃翠之軒○早日披簪帶○游心○
諸品外能知止與安○已小而物大清風來我室○吾不

厭其突明月流我牀吾不厭其光駟馬高蓋非不減
其憂孔浚吾何望鳳凰不好飛而能鳴千里之高崗
鴻鵠不好鳴而能飛百里之平羌蒼蒼知余適長此
已為得余能愛蒼蒼得此已為長傾醪醕兮彈素曲
騷五花兮山之足君豈劇孟之神豪而無禍之辱賈
可藏兮德可虛知雌雄今人如愚以詔兒孫及其餘

漢臣云躰氣高逸如青蓮七言古非香山可望

高彙旃學憲居母喪庭中春蘭忽現白花一叢
根辦皆白見者云此李安人生西之應又為純

孝所感奇而賦之

荀瑋喪居方却粒羽衣還向空庭集飛作盆中白玉
花搖搖素影含霜葩不在當門舒艷色偏隨總帳數
根芽照水匪朱亦匪碧一洗珊瑚同月魄惟餘孝子
淚斑痕心心相映垂巾幘六曲欄杆綺石床芳蓀何
處不飄颺人因西去留瑶草鶴為東來語國香向者
如迎背如訣皆為阿母傳清節百年歌笑等花前何
不西方瓊瑗玦見者如同蓂蔔觀但聞蓂蔔生餘歡
欲知清淨前身在春蘭滿地即林蘭

漢臣云朝霞點水芙蓉試風韵態色澤兩極其勝
是何大復一流人

紀廷振每歲一週過江相訪寒齋對酌與言近

狀

馬首薜蘿枉自生。塩梅苦笋不同莖。竹書个字應憐
我。雁入他鄉豈是卿。枇杷四氣全方熟。萸莢三旬闕
預更尋芳絕。嘯迷枯樹雪滿衣衫。策蹇行俯仰忽驚
年。歲落漁人江上去。又冰江東季鷹思。鱸否杯酒何
如身後名。日食五升餘。醉客詩成滿座半。呼僧且喜
時人多不識。醒餘還自閉窗櫺。

漢臣云故自性僻耽奇却復飄揚澹宕無走入醋
羨之苦天才獨絕

贈陳處士

倬哉陳君冰鏡姿。手挾霜毫事幕府。幕府會計百務
新。君爲劉晏簿。領之能臣十年功。高心獨苦猶自低
眉。笑田部誰云投筆班。仲升而今簪紱之路誠難登。
王○家○受○楛○各○有○分○扶○櫬○埏○埴○皆○股○肱○我○思○龍○扳○驥○附○
稱○上○士○贊○書○亦○號○郎○官○史○人○生○得○意○無○等○倫○願○養○天○
命○歸○清○淳○醜○頰○一○笑○生○長○春○

信臨安過學博

號扶槌

一官臨水似漂舟。猝遇風濤不少留。勘破此生趨舍路。身家妻子等仇讐。

漢臣云無數亂絲一刀斬斷此德山棒臨濟喝也

閨思

吳山楚水兩相疑。窈窕還鄉未有期。裝鏡百年紅粉落。寶釵三日翠雲移。猿啼斷處人烟少。反舌聲中草秀肥。小立橫塘看乳鴨。雙雙雛褪弄漣漪。

誠之云能為溫李却妙在有古詩氣
漢臣云是子夜前溪逸響

下弦月

剩有西園月。墻頭掛角貓。影入珠宮碎。胎生蚌窟完。素娥羞學扇。謫吏小呼盤。悲來尋故我。憇久惜難圓。衰髻皆如此。黎明不忍看。

子不語怪題

語怪君門欲有為。天書圖讖總虛危。秦皇不用求神女。武后何須拜瑞雷。石似人言終化土。龜陳帝範亦燃灰。儒門不語稱先覺。大地狂瀾到此迴。

薛偉楚兄尊慈鄒孺人壽

霓裳來寶地。袞幄當新砌。百里奉慈顏。千年瞻間氣。

所期梁伯鸞威儀鮑司隸。遙遙閨閣九龍濤。翠竹青
林百果陰。池上烟波瑤草秀。栖遲玉宇動高栞。莫云
憔悴江妃老。梨妝窈窕鍾儀好。十月炎州榴始華。况
復生當炎夏早。狼籍珍珠粲瓠犀。倪天之妹非凡妻。
兒曹能作姮娥賦。如日在東光未西。

嘲相士

風鑑何能識柳渾。中書門下一親臣。為兒削髮能緩
死。顏子披緇亦老人。

弔馬文忠素修老師

名人殉節古稱難。名節雖珍不兩關。惟我先生躬兩
盡。深山野老共悲歎。

漢臣云語闕世道直是二十一史定盤星指南車
何止為文忠一人闡幽誠之云元禮孟博非不
名節兩高然視文忠之殉國孰得其正名節豈易
合言以二字歸文忠此文忠之所以為文忠也

兼吊如師母二人

隨文忠縊于京邸

小星三五各西東。也拜天家繫遠空。翻案古人無別
事。能將兒女伴英雄。

漢臣云妙在不落脂粉叶號兩家

秋日卧聽松雨聲

鹿起僧來說夢因身如塵尾掛流雲澄懷坐聽各山
響假寐微聞白鳥呻潮過海門天欲盡嘯從溪谷月
還淪不知松雨敲匡俗震絕西風瀑布津

漢臣云五六雄深清杳全似子美其餘作者多不能兼

芙蓉

斷腸花老漢宮愁尚有芙蓉意未秋湘江自移傾國
艷羅城偏拔美人尤霜含曉露承恩重白帶媽紅傍
晚收可笑花經題一命葵胡石竹豈同儔

漢臣云風韻雅麗無半字落輕薄憔悴語豈非永雪鍾鼎中人

與海虞朱長庚言命

芙蓉城上客相呼不信人間命有無朝貴苦纏牛斗
宿山僧還記六壬孤休嫌術士衣鶉結我亦林間飯
董茶祿位可將心計得栖筠何事効陳怱

玉蘭

春來谷口半瓊枝未葉先花綴羽衣天女自搖青玉
樹山人錯配紫辛夷崢嶸日下羞彤管鄂鞞風前笑
逸詩却為含蘭留禁籞至今猶惜武昭儀

來燕遇歸鴻

全五二集
長淮風雨過南天。每向江頭索寄箋。來去怯隨金彈影。炎涼自感玉釵鈿。宮中乍入揮紅淚。馬上相逢說禁烟。此會芳菲詒遠訊。應期築壘在蘆邊。

催牡丹花

臨春學士惜春歸。判柳批花手自麾。沉醉玉欄先草制。移詩上苑復銜枚。鳥窺拾印啼饒舌。月浸脂香學畫眉。此夜不將紅艷發。空教野鹿禁中回。

泛荷

鷓鴣栖栖弄夕陽。荷花初騁小腰香。凌風旖旎驕天后。照水差池覩六郎。似說蓮房人未老。却愁魚戲蝶空忙。相思歷亂迷秋草。影入洄波蕩遠漿。

螢火

翡翠簾前薄暮暉。分來丹鳥便緣帷。文蛾乍拂寒光去。書帶無妨蹈火危。飛到五更星共曉。凄其八月燠還炊。迷樓不用咸陽炬。一夜螢山已滅隋。

誠之云六朝詠螢人多警句工部詩稍滯矣讀飛到五更星共曉叫絕結句如疾雷破睡

文心

鬼市岑樓大海灘。珠人入水捕珠還。文心欲似盧亭

全五二集
叟○偏○向○蛟○龍○窟○裏○翻○

苦雨

朱○櫻○樹○下○薄○羅○衣○纔○試○春○風○又○苦○濡○歲○歲○社○翁○雲○不○
雨○如○何○玉○女○變○蛇○醫○

其二

三○巴○三○月○漏○天○痕○打○樹○吹○風○泣○遠○人○安○得○五○銖○錢○作○
鎮○一○填○海○眼○似○山○身○

漢臣云酸楚事偏能作奇麗語筆底有明珠十斛

讀漢武七夕故事

武○帝○圖○玄○宿○上○台○碧○鷄○金○馬○祀○填○街○槐○花○已○老○三○秋○
實○王○母○西○歸○杳○不○來○

漢臣云全部封禪書繫括二十八字中誠之云類作華清宮詞妙手

懷玄墓元長上人不遇

一○龕○烟○雨○障○芙○蓉○野○老○妻○其○別○誌○公○大○海○深○深○猶○失○
足○無○因○獨○上○妙○高○峰○

漢臣云正是腦後一搥何止竹院逢僧之思

感興

小○鳥○飛○鳴○亦○遠○岑○風○吹○短○袖○作○虛○礎○滿○山○詩○料○騎○驢○

全五二集
得不用閤門刻苦吟

說戒

曾過青山禮赤髭。不將香履易軍持。春風每妒飛來鉢。故送桃花落戒衣。

漢臣云是持是犯請明眼人下一轉語 誠之二云 借春風桃花說法於此會得婆子燒庵震雲一笑

思琴

飄飄伊洛響猶存。鶯管迎風入鴈群。應笑六街塵土滑。五湖深處扣桐君。

再和王職方崇岩中橋小隱詩三首

誰云齧缺問蒲衣。道在漁竿不在磯。得喪兩休齊寵辱。神巫何用說三機。

其二

十餐纔饋五餐存。野老奔趨未息群。閉戶早辭門外屢。猶疑夢裏學為君。

其三

田園苟簡不修名。一宿何須射鴨亭。同是栗林飛彈處。鶉居穀食鳥行行。

漢臣云句向夜深得思從天外歸詩之險雋似此 誠之云却都是天成韻句

讀漢元帝賜單于美人詔

六○宮○雲○髻○掃○香○塵○不○覺○胭○脂○度○北○門○豈○爲○女○戎○能○亂○
國○驅○之○海○外○亦○明○君○

漢臣云深達國體唐人金城應制諸篇俱成下駟

陳雪沅少府視篆屬邑士民皆留鳥誌思詩紀

其盛十首

公諱棟景陵人爲常州府捕丞

藕○花○沿○岸○一○官○舟○醉○指○銀○章○作○釣○鈞○父○老○攀○衣○皆○下○
淚○神○君○何○事○獨○清○謳○

其二

曾○過○東○坡○舊○講○堂○移○牀○清○話○足○縑○緗○歸○來○十○櫃○書○應○
滿○豈○羨○珍○珠○百○斛○量○

其三

洛○州○風○采○怖○權○豪○影○入○屏○星○光○氣○高○白○帝○神○人○呵○禦○
久○埋○輪○不○用○數○駟○騶○

其四

野○鶴○亭○亭○中○散○姿○東○平○千○里○輒○相○思○薔○薇○若○問○鴻○軒○
信○只○帶○南○茶○一○兩○枝○

其五

漫理蕭曹作郡丞。獄中生櫓盡牽籐。公門整日清如雪。閒與儒生學放鷹。

其六

八條清訓自隄防。灑灑雖奇險不妨。聞說荆南人捕虎。於今力士盡衣裳。

其七

春申遺壤愛猶存。遙望江雲雨一村。勞吏去如春水滑。清名長與碧山躡。

其八

監州此去未還都。一路壺漿夾轂呼。罨画溪頭多翰墨。山人寫作使君圖。

其九

王謝家風此地淹。宣和諸路一人兼。車幡莫更遮司馬。士女逢迎共揭簾。

其十

法曹還種廣平花。數瓣香抽冰雪芽。何遜再來頭未白。不如母去此為家。

漢臣云贈送軒冕易俗易套少陵五雲多處望三台猶為人簡點故不如羨爾城頭姑射山清迥獨

絕也此十首飄揚舊逸在厥躰中何啻青津碧荻

野望

細○雨○疎○林○釣○艇○喧○隔○籬○呼○酒○一○帘○懸○秧○針○六○月○田○田○
滿○尚○有○愁○人○泣○杜○鵲○

誠之云聶夷中詩與此詩同痛切句法一直一婉

宮怨

歸○鷓○陣○陣○宿○斜○陽○長○笛○聲○聲○怨○未○央○美○女○十○年○猶○買○
賦○春○來○應○脫○館○娃○裝○

勉徵公侄

驄○馬○門○風○已○百○年○箕○裘○弓○冶○各○歸○田○江○東○正○獻○文○還○
在○夷○簡○何○人○子○不○然○

京邸思麴水

澄○山○麴○水○正○涓○涓○流○入○黃○封○酒○事○圓○山○水○不○隨○人○意○
換○纔○生○揀○擇○是○貪○泉○

誠之云研味幽細動人深省吳隱之詩是志士語
此是道人語

江上丈人

江○水○湯○湯○渡○子○胥○胥○山○一○劍○指○崎○嶇○丈○人○猶○耻○擔○珪○
爵○何○事○傾○身○奉○闔○廬○

漢臣云此丈人與淮陰漂母同意相國淮陰皆不以功名終其負此翁此姬多矣却被此詩拈出

漫興

人生百歲陰二毛相侵尋佛桑花暮落望帝鳥幽沈
萬物皆如此吾道獨于今懿公應煮鶴次律且焚琴
宋有蘭子者悠悠蓬棘心不知堅白論誰為王仲任

偶憩

青青少年髮中路為愁煎熟夢風塵事誰知靜者賢
披裘坐深省歔歔寒暑遷蛾眉陷身物甘毳爽口原
湔除一切好枯坐桑榆邊綿綿若飛羽寂寂同寒蠟

山前看落日山後聽鳴泉瞻聽兩無意泉下日將穿

未遇

自笑書生拙天涯一雁駕囊錢空似橐夢筆未生花
賦學凌雲壯詞慚擲地佳孟嘗稱好士禰子只三搗
老母誰溫青新妻孰緼紗夜啜庾郎韭晨搔霍隱瓜
豈有知音者高山聽伯牙

謀臣

天上層雲縉諸公蒲穀覲一丸泥定秦三寸舌起晉
和勃為安劉屈頗還感蘭

棘門軍

烽烟震齊魯○淮○北○無○寧○堵○東○海○調○魚○書○維○揚○開○帥○府○
誰○為○馬○伏○波○衝○鋒○破○樓○櫓○不○辭○金○碧○城○分○作○將○軍○士○
所○恨○黔○之○驢○一○鳴○怖○哮○虎○虎○久○熟○識○之○譏○笑○如○聾○瞽○
黃○昏○雨○霰○多○征○鞍○叫○狂○弩○棘○門○兒○戲○觀○且○作○宣○城○賭○

漢臣云無可奈何託之諧謔正是古樂府風調

赴施曠如先生放生之招途遇弋者

吾○因○鍛○羽○投○林○去○爾○為○禽○毛○灼○火○來○何○不○將○心○置○彼○
腹○一○平○苦○海○作○蓮○臺○

感南唐陳子喬入視事堂自經故事

朝○拜○簪○纓○夕○已○除○紛○紛○降○表○世○修○書○南○朝○尺○地○非○其○
有○祇○剩○陳○喬○一○坐○隅○

漢臣云此是梁溪忠義之祖得此詩堪為邑乘生色亟宜採入

吊華銓部鳳超先生

鶩○湖○一○老○足○全○真○便○赴○秋○曹○殉○此○身○懷○石○三○年○猶○恨○
晚○此○心○何○似○屈○靈○均○

漢臣云聲出已復吞正當於此想其沉痛誠之云銓部之歿與靈均不同其心則一也詩貴曲而隱詠歎自得之

海上巡行有感

澶○洄○大○海○一○漁○船○身○在○風○波○亦○儻○然○不○借○眼○光○牛○背○
上○肯○持○手○板○馬○頭○前○蛟○鯨○有○氣○能○翻○雨○星○斗○無○根○只○
傍○天○祇○為○瓜○期○歸○未○得○勞○勞○亭○上○數○羊○鞭○

漢臣云古今才人未有不具傲骨者但善藏其用
則為香山右丞耳讀此詩想見詹望五嶽起方寸
時

謝顧醫士懷虛

五○老○堂○前○遶○砌○花○兒○童○呼○是○十○全○家○青○箱○幾○世○辭○瓊○
玖○赤○箭○延○年○感○木○瓜○鬼○是○斯○僧○猶○可○治○人○非○冉○伯○豈○
終○遐○醫○王○有○路○通○仙○島○自○此○無○雙○遇○押○衙○

懷虛諱中偉善岐黃有神術乃祖虛舟父劔泉
俱還金種德為時所重繪入五老圖中

中秋天妃宮望月

萬○里○熒○臺○濯○廣○寒○十○門○擣○素○暫○停○看○晶○簾○正○捲○蛟○龍○
額○玉○杵○斜○春○蚌○蛤○丸○界○破○紫○霄○天○半○壁○平○分○青○海○日○
初○團○年○年○此○夜○無○風○雨○應○勅○嫦娥○作○縣○官○
誠之云高時瑰麗東海一輪非此不能寫炤

遙和鄭三山京邸初度詩

仙○衣○楚○楚○薜○蘿○侵○解○帶○行○吟○自○在○音○秋○興○已○隨○黃○葉○

全五二集
老○文○心○猶○比○白○泉○淡○探○驪○弃○爪○皆○各○筆○舞○鶴○迴○風○一
素○琴○捉○鼻○此○時○猶○不○免○幾○回○搔○首○惜○朝○簪

觀優

子○弟○亦○何○佳○而○來○長○者○盼○四○海○一○梨○園○
堦○前○父○子○嘻○堂○上○君○臣○嫚○戈○戟○起○蛾○眉○詩○書○寓○諧○訕
月○上○小○樓○西○身○宿○中○林○旦○悲○歌○不○再○圓○紅○粉○成○塗○炭

讀李義山莫姪女寄寄文傷吾幼女

寄○寄○雖○猶○子○勞○勞○伯○父○思○故○將○兒○弄○物○一○慟○舊○巾○匱
菱○華○炤○兒○額○芸○草○菱○兒○私○何○期○束○素○女○便○作○胭○脂○緋
一○夜○入○巫○峽○瀟○湘○去○搗○衣○終○風○降○小○島○大○海○沉○鯤○鮪
慈○親○還○剪○燭○泪○盡○索○題○詩○明○知○兒○女○事○愴○我○亦○為○之

漢臣云一語點破便已不堪多讀

蘭花

春○氣○達○幽○谷○離○離○琪○草○生○從○風○致○偃○仰○含○露○態○微○傾
一○朝○聞○楚○佩○千○里○憶○秦○蘅○玉○池○清○且○暫○天○為○雨○璣○壁
不○脂○粉○而○香○不○沐○浴○而○白○宣○尼○賦○其○守○靈○均○愛○其○色
揚○揚○王○者○芳○不○採○吾○何○傷○孫○逖○為○之○序○使○吾○登○曲○房
露○浥○宮○人○肺○竟○飄○玉○女○睡○吾○心○愛○此○卉○朝○夕○縫○玄○纒

何必石家樹。朱光照錦堂。

漢臣云胸無媚骨華無媚字國香空谷非此不稱

旅懷

水平波自靜。山空雲亦閒。鶴子和梅嬾。相看不語灘。
只愁鷓鴣鳥。月下說閒閑。聲聲歸去好。使我淚珠潛。

送孚魚叔之薊州

易水悲歌事已違。雲中此去陟崔嵬。胡髯老作千年
叟。傲骨還携一品圭。導氣自餐吳白朮。相思不用蜀
當歸。九齡風度人如昨。擬借騰霜照夜輝。

過湖上趙封翁觀墀天閒草堂即景

纔治蓬蒿一兩畝。藥爐茶竈盡舒徐。風前乍舞垂垂
月。花下新翻點點書。不共貴侯朝露速。何妨野老暮
年迂。閒來日落湖船影。滿地披簑學釣魚。

誠之云與會悠於風月清傲寄之漁樵為觀翁寫
照正在阿堵中

壽滕毋王孺人兼贈子行

每羨桑門一女媧。曇恭膝下復如何。扶風秀出藏書
館。東海祥生引鳳坡。忠敏自傳三寶鑑。華容誰織五
絲絃。勞哉吾母今猶績。此夜開樽醉碧螺。

爲尤太醫之母袁孺人初度 子存隱

桃李春風杳不言。千言寶笈在芝田。木蘭當戶聲聲織藥中。盈階葉葉煎妙觀。已澄常綉佛。諸生無碍樂。馴猿飛來玉杵寒。江上應與雲翹作惠連。

贈何隱君驥江歸年已六十 字章甫工篆刻

客居江上等魚蝦。薄藝隨身處處家。正斧漫侵天上桂。靈修還度月邊槎。逡巡狄老開銀鏡。賸出玄洲鐵花想。爲出閑遺妙訣。至今霜色不曾加。

誠之云弟詩亦喜用僻事然於共曉者偏運掉得幻

遊惠山寺過二泉亭汲飲

紅塵盡處碧濤生。贈我中泠水一升。山寺不知春韭味。野妝休妬鵝鷄羹。詩魔草癖皆成聖。水驛茶寮獨罷征。願捉溪頭三尺綆。長年坐卧學秦精。

誠之云水驛罷征泉石可弄正恐妬幽人者復不免耳含言甚微

過碧山吟社遺趾

漪瀾堂北舊松陰。冰雪先生詒好音。漸老漸工詩史律。何嫌何忌酒僧淫。鳴泉逗雨飄浮磬。破葉當風響斷琴。但得灞陵橋上意。西神到處碧山吟。

清明後四日社飲胡慎三侍御齋頭爲聖木彥
昌諸君催詩頗迫

乍飲城南碧水回。懷春此地復銜杯。看花愛數迎風
信。煮笋驚聞未雨雷。新火夢中先得句。賣飴聲裏又
傳枚。風人相續招魂草。何不樽前賦子綏。

漢臣云似東坡復似放翁

代花請霽

好花冬應節。好雨亦知時。今年三月暮。不見好花齊。
花意欲嬌好。天心不自持。淋鈴入斜谷。一望垂千絲。

雨三日爲潦。花三日爲靡。又况百日雨。原無百日醜。
翠穿籬落靜。紅墮石泉悲。或有催花雨。霏霏太液池。
如何解語花。苦雨無甘辭。汪波醉水。雄者翔其雌。
雨肥花自瘦。花瘦鳥仍肥。獨憐山。性無花空怨咨。
酒人連軫去。花發長遲遲。天不能雨。酒徒雨天亦癡。
因却巫山女。往賽封家姨。風幡頻帶雨。神女復娉娉。
庶幾清明雪。能消穀雨斯。而今花雨信。偏向雪中飛。
霜。粧今夜。落碩果。後來稀。無果人。猶可無麥。將安期。
無花又無麥。天意豈知之。

趙月潭云才人之華以此箋天天可笑回訴窮愁者妄耳漢臣云放懷極意之篇無使酒罵坐態此乃真風流真蘊藉

壽湖上浦隱君之配沈孺人

號惺宇

五湖多佳人作配湖之濱炭彥同雅尚珠玉非吾珍
水馬蝸牛宅烹鳧弋鴈身雨開新綠皺風掃亂紅勻
每笑扁舟嬾霸越徒長顰不如湖上水千年無斷痕

陸銓部衷涵元配吳恭人為

敬社兄之母壽

者如林予不揣亦為之殿

太宰門楣貴風流五色縞不爭羅綺艷德美自然佳

夫子斯焉取恭人莫可瑕紡絡一聲靜姬媵手爭義

但得幃中教群兒局外衙威儀莊以麗文彩正而葩

入為三品嬾居無千貫鏐庶幾君子句堪酬女伯牙

獨憐江上曲難和孝熙家

漢臣云氣骨莊雅上者束廣次

不失陸士衡

與張隱君

爾祖介軒公乘驄佐御龍香留袍笏在人與雒陽東
及今芸壁暗檀柱已飄蓬兒孫餐舊德墟里醉新豐
所賴淳初力殷勤繼小宗不恤胥人苦能通仕者窮

全五二集
風○霜○一○生○老○花○草○百○年○紅○呼○兒○友○適○至○觀○魚○鳥○亦○同○
鬱○鬱○開○三○徑○岩○岩○峙○兩○松○長○歌○娛○短○髮○清○卧○足○高○春○
何○以○介○景○福○吾○翁○卽○介○翁○

誠之云摩詰精緻達夫清老華情華力兼似之

與程處士霽寰爲金孝充袁重其諸公之索
誰○爲○明○德○老○能○居○仁○者○村○程○門○一○中○叟○躰○氣○高○且○淳○
蕭○侯○偉○八○尺○退○然○如○令○人○物○有○交○加○好○心○無○執○着○痕○
風○雨○留○君○宿○飢○寒○自○我○存○楓○江○紅○葉○晚○茗○水○白○蘋○春○
光○祿○登○臨○處○黃○衣○剝○啄○恩○嘉○賓○爭○載○酒○傾○心○古○達○尊○

清文滋芍藥香句溢蘭蓀

和吳中諸子爲蔣南陔夫人陳母悅辰

南陔爲建安南

海二縣令

朱○鳥○臨○粧○日○荆○臺○燹○玉○時○誰○憐○采○繫○子○卽○是○執○經○師○
零○陵○社○稷○器○移○鳥○廣○州○馳○心○事○沉○香○浦○清○潭○照○影○齊○
雖○入○黃○華○地○還○同○白○鶴○妃○肅○如○侍○賓○客○澹○然○忘○笑○嬉○
顧○問○皆○詩○禮○經○綸○佐○豹○貔○烹○葵○綠○鶴○鼎○借○火○得○牛○衣○
自○到○珠○江○宿○不○聞○採○荔○枝○荔○枝○少○顏○色○珠○江○珠○亦○疑○
皆○言○使○君○婦○多○於○吳○隱○之○歸○閭○致○洗○腆○天○錫○以○佳○兒○

咸能步黃屋一展温清思思之未可量先此椒蘭辭

孫銘常六十工画蘭乃尊海若亦以八十善飯

詩慶之

雷溪画蘭子○涖墨舞仙仙○一飲傾一斛○疾於虹飲川○

翺遊東鶴市○金梯誰與先○合幕江山遠○聯舟意氣翩○

慷慨思前席○凄凉老故園○為承華髮叟○衰陽看芟田○

投壺天亦笑○洗耳堯無言○世界如棗葉○松喬空蜿蜒○

八十不為耄○六十豈為顛○滄海無終極○古人皆大年○

但有菖蒲節○無妨藤絮牽○雲空長叫月○水落恣揮絃○

天○都○有○雙○老○山○猿○安○得○眠○

賦得長沙吊屈為悲高忠憲公

吳

憲季

湜○湜○湘○靈○過○沅○州○紉○蘭○結○侶○貝○宮○秋○年○指○水○臣○心○

白○曠○世○投○淵○吾○道○休○何○忍○蛟○龍○吞○正○氣○應○驅○豺○虎○破○

讒○謀○東○林○亦○洒○南○冠○淚○顛○賴○忠○魂○古○渡○頭○

誠之云不過為激烈於予有道得躄然已字字沉痛

悲窮

霜○娥○九○月○解○催○衣○不○為○書○生○送○煖○扉○酒○債○窮○時○人○倍○

索○書○錢○窘○處○獨○歔○歔○無○多○楮○筆○還○嫌○費○有○數○柴○薪○尚○

莫支杜甫年年愁過歲而今閣筆罷吟詩

漢臣云正以真率勝人老杜亦然豈獸元白

朱蓋銘以詩藁見示予謬叨一日之長率爾丹

黃書此謝之

我亦吳唵學楚騷
芟鋤詩句比天喬
文揆汲冢一十
庫字寫蒼經三萬條
祇為蠹魚吞
鳳相隨修竹彈
甘蕉君家自有江妃賦
不用先生阿一姚

思藐姑射山

縹緲烟中姑射山
空雲潦倒亦成斑
維群白鹿多于

草狼藉震芝莫數
蘭寶李留驂
仙子御瑤林有路
宓還青牛已破愁
城鎖海內于今尚觸蠻

贈秦太學公安

深林孤坐小山曛
鶴羽參差石徑分
帛煖不如人更
煖舌存應共齒
猶存巫峰南
眺瑤姬館華嶽
西臨老子村
從此披榛攀虎豹
散衣博帶卧香芸

漢臣云眼前語一經點化便使壁壘旌旗俱變真能出奇無窮

卷之五十一

...



